



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1862

XXVIII. Der Convent des Klosters Arendsee bekundet eine Zuwendung, die ihm von einem Malchiner Bürger zu Werckenthin gemacht ist, am 9. Mai 1298.

Nutzungsbedingungen

[urn:nbn:de:hbz:466:1-55716](https://nbn-resolving.org/urn:nbn:de:hbz:466:1-55716)

XXVII. Markgraf Hermann schenkt dem Kloster Arendsee Besitzungen in Dessau und Heiligenfelde, am 24. Januar 1297.

Hermannus, dei gracia Brandenburgensis Marchio, omnibus presentem litteram inspecturis seu auditoris Salutem in omnium saluatore. Que geruntur in tempore ne simul recedant cum tempore, Expedit propter obliuionem hominum scripturarum testimonio perhennari. Hinc est, quod notum esse cupimus tam presentibus quam futuris, quod nos proprio motu ac in remedium anime nostre, necnon in saluacionem progenitorum nostrorum pie memorie, dedimus et donamus cenobio ac conuentui in Arnse proprietatem duorum mansorum in Deffow, quos Conradus de Gladegow a nobis iusto pheodo possedit. Damus eciam eidem ecclesie ac Conuentui proprietatem quinque mansorum in hilghenuelde perpetualiter possidendam, quos Dominus Loneke noster fidelis a nobis habuit Jure pheodali. Et ne ex hoc aliquod possit oriri dubium, presentem litteram nostri Sigilli munimine fecimus communiri. Datum Arneborg, Anno domini M°. CC°. XC°. VII°. In die thimothei Apostoli. Presentibus testibus infrascriptis Domino Bodone de Walltoue, Domino Cruccemanno, Domino Conrado Scriptore et aliis multis fide dignis.

XXVIII. Der Conuent des Klosters Arendsee bekundet eine Zuwendung, die ihm von einem Malchiner Bürger zu Werckenthin gemacht ist, am 9. Mai 1298.

Vniuersis Cristi fidelibus presenciam visuris uel auditoris Ludolfus prepositus, konegundis priorissa Totusque conuentus Sanctimonialium in Arnse cum deuotis oracionibus veram in domino karitatem. Ne ea, que geruntur in tempore, lapsu temporis a memoria hominum euanescent, expedit eadem scriptura uel lingua testium roborari. Nouerint igitur presentes et posteri, quod Guntherus, ciuis in malchin, nostro conuentui in Arnse prenominato duos mansos nostre ville Warghentim adiacentes, quos ab eodem in pheodo tenuit, in elemofinam et anime sue remedium cum omnibus prouentibus eorundem in proprium assignauit, tali condicione, vt eorundem mansorum prouentibus idem Guntherus vite sue pociatur temporibus, et vbicunq; locorum moratus fuerit, sibi octo tremodia annone, scilicet quatuor siliginis et quatuor ordei annis singulis et tempore debito, quamdiu vixerit, persoluamus. Sed postquam memoratus Guntherus viam carnis migrauerit vniuersis, ad nostrum Conuentum prefati mansi cum vniuersitate, sicut est prehabitu, deuoluuntur. Verumptamen ob huius donacionis remuneracionem, cum primo fuerit nobis eiusdem obitus nunciatus, confestim sui memoriam in tricesimo et deinceps diem anniuersarii sui anno quocunq; reuoluto salubriter peragemus. Preterea extunc in qualibet ebdomada duas missas pro defunctis, vnam feria quarta, alteram die sabbati, anime sue infra nostrum conuentum procurabimus perpetuo celebrari. Ceterum de premisorum mansorum prouentibus vnam marcam denariorum ecclesie in Warghentim ad luminare Beate katherine ibidem patrone debemus annis singulis constituere persoluendam. Ne igitur hominum posteritas vacillet in posterum de premisis, consules ciuitatis malechin,

qui huic interfuerunt donacioni, petiuimus presens scriptum sui sigilli munimine in testimonium roborare. Nos quoque sigillum nostri conuentus presentibus in signum perpetue certitudinis duximus apponendum. Sunt autem testes huius facti Dominus martinus, plebanus in malechin, Dominus Johannes pomerinus (sic) in dargun, clerici, Et tunc temporis consules ciuitatis Malechin, videlicet Guntherus sepefatus, Thidericus Gubo, Johannes de pinnow, Johannes de vttekow, Wilbrandus, Gherardus Berenvreter, Thidericus de Brenns, hermannus de dukow, Item Hermannus de pifce, Johannes de Jeffin, et alii quam plurimi fide digni. Datum Malechin sub anno domini M^o. CC^o. XCVIII^o., Septimo Idus maii, feria sexta ante ascensionem domini proxima. Per manum hinrici, tunc rectoris scolarium in Malechin.

XXIX. Der Conuent des Klosters Arendsee befundet, was Gerhard Wolf und dessen Bruder Johann von Gladigau ihm im Dorfe Sannem zugewandt hat, am 12. Mai 1298.

Vniuersis presenciam visuris siue auditoris Ludolphus, dei gracia prepositus, konegundis, Priorissa, et Conuentus ancillarum Jesu Cristi Monasterii in Arnse verdenfis dyocesis Salutem in virginis filio crucifixo. Noueritis, quod Gherardus lupus, cuius anima in Beatudine requiescat, in sui testamenti ordinatione de consensu et beneplacito Johannis, fratris sui, dicti de Gladegowe, Necnon legitimorum heredum suorum omnium, non solum pro sue anime salute, verum eciam cunctorum progenitorum suorum remedio, nobis et monasterio nostro duos Choros filiginis in villa Sannem in Curia henrici dicti de yedesse dedit et contulit perpetuo possidendos, Cuius curie cultor robore aduocacie, quam a predicto Johanne de Gladegowe pro nostra pecunia comparauimus, in solucione trium modiorum auene XX denarios annuatim censuali nomine et ad seruicia nobis et ecclesie nostre exhibenda et ad dandam mediam partem minute decime iugiter fit alstrictus. Verumptamen Alheidis et Mechchildis, sorores predictorum fratrum de Gladegowe, nostre moniales, de prehabitis duobis choris Siliginis vnum chorum, quoad vixerint, tollent et in suum usum conuertent, prout eis videbitur expedire, Ita videlicet, vt cum vna earum decesserit, medietas chori simul nobis conuentui cedet, Sed post mortem ambarum sepedictus chorus filiginis ad nos et nostram ecclesiam libere deuoluetur. In cuius rei testimonium Sigillum nostrum vna cum sigillis honorabilium virorum domini Gheuehardi de Gylchow et domini philippi de Stockem, eo quod presencialiter interfuerunt, presentibus est appensum. Datum anno domini M^o. CC^o. XCVIII^o., III^o. ydus maii.